

## **“NKMK” AJda monopoliyaga qarshi komplayens tizimi tomonidan 2024-yilning 9 oyi davomida amalga oshirilgan ishlar to‘g‘risida**

### **HISOBOT**

“Navoiy kon-metallurgiya kombinati” aksiyadorlik jamiyat (“NKMK” AJ, Jamiyat) hamda Raqobatni rivojlantirish va iste’molchilar huquqini himoya qilish qo‘mitasi hamkorligida tizimda raqobat to‘g‘risidagi qonunchilik hujjatlari talablarining buzilish xavflarini kamaytirish maqsadida joriy yil uchun **9 ta** banddan iborat “**Yo‘l xaritasi**” tasdiqlandi.

“NKMK” AJ faoliyatida monopoliyaga qarshi kurashish, uning talablarini buzilishi hamda boshqa salbiy oqibatlar yuzasidan xabar beruvchilar uchun Jamiyatning rasmiy veb-saytida alohida elektron tizim tashkil etildi.

Jamiyatda ochiqlik va shaffoflikni ta’minalash, jamoatchilik va fuqarolar oldida hisobdorligini oshirish, monopoliyaga qarshi komplaens tizimini samarali tashkil etish maqsadida ommaviy axborot vositalari vakillari va Jamiyat ishchi-xodimlari ishtirokida davra suhbatlari, brifinglar hamda seminarlar o’tkazildi.

Komplayens xizmati tomonidan Jamiyatning ishchi-xodimlariga O‘zbekiston Respublikasining “**Raqobat to‘g‘risida**”gi Qonunning mazmun-mohiyatini tushuntirish maqsadida o‘tgan davr davomida **131 marotaba** huquqiy targ‘ibot va profilaktik tadbirlar o’tkazildi. Targ‘ibot tadbirlarida **7 462 nafar** ishchi-xodimlar ishtiroki ta’minlandi.

Joriy yilning sentabr oyida Raqobatni rivojlantirish va iste’molchilar huquqlarini himoya qilish qo‘mitasi tomonidan Monopoliyaga qarshi komplayens tizimi yo‘nalishida o‘quv kursi tashkil etilib Jamiyatning Komplayens xizmatini ma’sul xodimi ushbu o‘quv kursida ishtirok etib maxsus sertifikatga ega bo‘ldi.

Shuningdek, Raqobatni rivojlantirish va iste’molchilar huquqini himoya qilish qo‘mitasi xuzuridagi Raqobat siyosati va iste’molchilar huquqlari tadqiqotlari markazi tomonidan ishlab chiqilgan uslubiy qo‘llanmalar asosida Monopoliyaga qarshi komplaens xizmatini ma’sullari tomonidan Jamiyat xodimlariga o‘quv seminarlar o’tkazilib kelinmoqda.

Jumladan, Jamiyatning Markaziy kon boshqarmasi, Zarafshon qurilish boshqarmasi va “Navoiy mashinasozlik zavodi” ishlab chiqarish birlashmasi buxgalteriya, moddiy-texnik ta’minot, marketing, sotish va shartnomalarni ta’minalash bo‘limlarining xodimlari o‘rtasida Raqobat to‘g‘risidagi qonunchilik xujjatlari talablarining buzilishini keltirib chiqarishi mumkin bo‘lgan normalarni bartaraf qilish hamda Monopoliyaga qarshi komplayens tizimiga oid o‘quv seminari o’tkazildi hamda test sinovlari orqali bilim ko‘nikmalari oshirildi. O’tkazilgan o‘quv seminar mashg‘ulotlari, test sinovlari xaqidagi axborot va

ma'lumotlarni jamiyatning saytiga, ijtimoiy tarmoqlariga joylashtirilib kelinmoqda.

Komplayens xizmati tomonidan ichki hujjatlarni huquqiy va korrupsiyaviy ekspertizasidan o'tkazish tartibi joriy etilgan. Mazkur yo'nalishlar bo'yicha **111 ta** (*36 ta fuqaro qabullari bo'yicha va 75 ta boshqaruvga ko'rib chiqish uchun kiritilgan*) hujjatlarning qonuniyligi ko'rib chiqildi.

Shuningdek, **6 466 ta** (*5575 ta buyruq va 891 ta farmoyish*) ichki idoraviy hujjatlar huquqiy ekspertizadan o'tkazildi. Ekspertiza natijasida **466** ta ichki idoraviy hujjatlar normativ-huquqiy yoki ichki idoraviy hujjatlar talablariga muvofiqlashtirildi.

Komplayens xizmati xodimlari tomonidan jami **29 marotaba** shundan, 16 marotaba onlayn va 13 marotaba ananaviy malaka oshirish kurslarida ishtiroy etildi.

Xaridlar sohasida "Tovarlar, ishlar va xizmatlarni xarid qilish bo'yicha" Komissiyasi (*komissiya tarkibiga Komplayens xizmati kiritilgan*) tomonidan **6 ta** tender va **26 ta** tanlash hujjatlari bo'yicha tovar yetkazib beruvchilar hujjatlari ko'rib chiqilib, qonuniylik ta'minlandi.

Kombinat bilan shartnomaviy munosabatlarga kirishmoqchi bo'lgan **60** ta kontragentlarning faoliyati tekshirildi. Hisobot davrida **1 ta 3,5 mlrd.so'mlik** tanloving asossiz bekor qilinishi oldi olindi.

Bundan tashqari, "NKMK" AJ bilan shartnomaviy munosabatlarga kirishuvchi xorijiy jismoniy va yuridik shaxs hamda banklarni sanksiyalar bo'yicha nazarat qiluvchi Komissiya (*komissiya tarkibiga Komplayens xizmati kiritilgan*) tomonidan **19 ta** kontragent hujjatlari sanksiyaviy nazaratdan o'tkazildi.

"NKMK" AJ faoliyatida Komplayens xizmati ma'sullari tomonidan kelgusida Raqobatni rivojlantirish va iste'molchilar huquqini himoya qilish qo'mitasi hamkorligida tizimda raqobat to'g'risidagi qonunchilik hujjatlari talablarining buzilish xavflarini kamaytirish yuzasidan tegishli choralar ko'rib borilmoqda.

**"NKMK" AJ Bosh direktori o'rinnbosari**

**Q.X. Taparov**